



Broj: 02-11-1133/20  
Datum: 08.04.2020.godine

Na osnovu Program poticaja privrede na području Općine Zavidovići za 2020. godinu broj: 02-11-1132/20 od 08.04.2020. godine, a u skladu sa Zakonom o sistemu državne pomoći („Službeni glasnik Bosne i Hercegovine“, broj: 10/12) i članom 70. Uredbe o namjeni, kriterijima i uslovima za dodjelu državne pomoći u Federaciji Bosne i Hercegovine („Službene novine Federacije Bosne i Hercegovine“, broj: 99/13), Općinski načelnik Zavidovići raspisuje

**JAVNI POZIV**  
**PODUZETNICIMA/PODUZETNICAMA ZA DODJELU POTICAJA PRIVREDE**  
**NA PODRUČJU OPĆINE ZAVIDOVIĆI ZA 2020. GODINU – KOMPONENTA I**  
**PROGRAM DJELIMIČNE SANACIJE I UBLAŽAVANJA ŠTETA U PRIVREDI**  
**UZROKOVANIH PANDEMIJOM CORONA VIRUSA – COVID 19**

Program djelimične sanacije i ublažavanja šteta u privredi uzrokovanih pandemijom corona virusa – COVID 19 nastao je kao rezultat konsultacija sa predstavnicima Privrednog savjeta Općine Zavidovići i Udruženja privrednika općine Zavidovići, uz uvažavanje budžetskih mogućnosti, kao i zakonskih i statutarnih nadležnosti naše Općine. U smislu najavljenih federalnih i kantonalnih mjera i poticaja o ublažavanju negativnih ekonomskih posljedica ovaj Program predstavlja njihovu dopunu sa mjerama koje su u našoj nadležnosti.

Korisnici mjera iz ovoga Programa mogu biti svi privredni subjekti, pravna i fizička lica, čiji je rad obustavljen naredbama Općinskog štaba civilne zaštite Zavidovići, a koji su se u okviru registrovane djelatnosti bavili ugostiteljstvom, trgovinom na malo (butici, prodaja odjeće i obuće), frizerskim i kozmetičkim uslugama, uslugama dječije igraonice, priređivanjem igara na sreću, pružanje sportsko-rekreativnih usluga (teretane, fitnes klubovi i sl.), a čije je sjedište na području općine Zavidovići.

Pravo na poticaj se ne odnosi na udruženja građana, sportske klubove, saveze i udruženja.

Poticaji se dodjeljuju kroz 4 mjere:

- **Subvencioniranje troškova zakupa poslovnog prostora na području općine Zavidovići za period mart 2020. godine**
- **Refundacija sredstava po osnovu prijave za razrez komunalne takse uplaćene do 31.01.2020.godine u iznosu od 50 %**
- **Refundacija sredstava po osnovu naknade za zauzimanje javnih površina za period mart-juni 2020. godine u cjelokupnom iznosu**
- **Refundacija sredstava po osnovu plaćanja komunalne naknade za period mart-juni 2020. godine u cjelokupnom iznosu**

<b>Mjera 6.1</b>	<b>Subvencioniranje troškova zakupa poslovnog prostora na području općine Zavidovići u mjesecu martu 2020. godine</b>
<b>Ciljevi</b>	Održavanje nivoa konkurentnosti i održivosti privrednih subjekata
<b>Nosilac</b>	Općina Zavidovići, Služba za upravu ekonomskih poslova i poduzetništva
<b>Provođenje</b>	Subvencioniranje troškova zakupa poslovnog prostora fizičkim i pravnim licima nastalih u mjesecu mart 2020. godine, koji su registrovani na području općine Zavidovići, a kako bi se prevazišle teškoće u poslovanju i umanjili troškovi poslovanja uzrokovani pandemijom corona virusa, u visini od 100% troškova zakupa za mjesec mart 2020. godine.

<b>Mjera 8.1</b>	<b>Refundacija sredstava po osnovu prijave za razrez komunalne takse uplaćene do 31.01.2020.godine u iznosu od 50 %</b>
<b>Ciljevi</b>	Održavanje nivoa konkurentnosti i održivosti privrednih subjekata
<b>Nosilac</b>	Općina Zavidovići, Služba za upravu ekonomskih poslova i poduzetništva
<b>Provođenje</b>	Privredni subjekti, pravna i fizička lica, definisani Javnim pozivom, koji su u skladu sa članom 9. Odluke o komunalnim taksama Općine Zavidovići („Službeni glasnik Općine Zavidovići“, broj 9/2017) podnijeli prijavu za razrez komunalne takse i izvršili plaćanje iste do 31.01.2020.godine izvršit će se refundacija uplaćenih sredstava u iznosu od 50 % u toku 2020. godine.

<b>Mjera 8.2</b>	<b>Refundacija sredstava po osnovu naknade za zauzimanje javnih površina za period mart-juni 2020. godine u cjelokupnom iznosu</b>
<b>Ciljevi</b>	Održavanje nivoa konkurentnosti i održivosti privrednih subjekata
<b>Nosilac</b>	Općina Zavidovići, Služba za upravu ekonomskih poslova i poduzetništva
<b>Provođenje</b>	Privredni subjekti, pravna i fizička lica, definisani Javnim pozivom, koji podliježu plaćanju naknade za zauzimanje javnih površina shodno Odluci o zauzimanju javnih površina („Službeni glasnik Općine Zavidovići“, broj 8/2017) mogu podnijeti zahtjev za refundaciju uplaćenih sredstava za period mart-juni 2020. godine u cjelokupnom iznosu.

<b>Mjera 8.3</b>	<b>Refundacija sredstava po osnovu plaćanja komunalne naknade za period mart-juni 2020. godine u cjelokupnom iznosu</b>
<b>Ciljevi</b>	Održavanje nivoa konkurentnosti i održivosti privrednih subjekata
<b>Nosilac</b>	Općina Zavidovići, Služba za upravu ekonomskih poslova i poduzetništva

<b>Provođenje</b>	Privredni subjekti, pravna i fizička lica, definisani Javnim pozivom, koji podliježu plaćanju komunalne naknade shodno Zakonu o komunalnim djelatnostima („Službene novine ZDK“, broj 17/18) mogu podnijeti zahtjev za refundaciju uplaćenih sredstava za period mart-juni 2020. godine u cjelokupnom iznosu.
-------------------	---

#### PLANIRANA RASPODJELA SREDSTAVA

MJERA	TRANSFER ZA POTICAJ ZAPOŠLJAVANJA I RAZVOJA PRIVREDE	IZNOS U KM	PROCENAT RASPOLOŽIVIH SREDSTAVA
Mjera 6.1	Subvencioniranje troškova zakupa poslovnog prostora na području općine Zavidovići za mjesec mart 2020. godine	40.000,00	26,67 %
Mjera 8.1	Refundacija sredstava po osnovu prijave za razrez komunalne takse uplaćene do 31.01.2020.godine u iznosu od 50 %	50.000,00	33,33 %
Mjera 8.2	Refundacija sredstava po osnovu naknade za zauzimanje javnih površina za period mart-juni 2020. godine u cjelokupnom iznosu	30.000,00	20,00 %
Mjera 8.3	Refundacija sredstava po osnovu plaćanja komunalne naknade za period mart-juni 2020. godine u cjelokupnom iznosu	30.000,00	20,00 %
	UKUPNO	150.000,00	100,00 %

#### POSTUPAK PODNOŠENJA ZAHTJEVA

Ovaj Javni poziv objavljuje se na web stranici Općine Zavidovići: [www.zavidovici.ba](http://www.zavidovici.ba) i Oglasnoj ploči Općine Zavidovići.

Obrasce zahtjeva za dodjelu poticaja te predmetni Javni poziv moguće je preuzeti u Općini Zavidovići, Info pult, te na web stranici Općine Zavidovići, [www.zavidovici.ba](http://www.zavidovici.ba). Ostale informacije mogu se zatražiti na telefonskom broju 032/ 206-749.

Zahtjev za dodjelu poticaja sa potrebnom dokumentacijom dostavlja se na pisarnicu Općine Zavidovići, lično ili poštom na adresu:

**OPĆINA ZAVIDOVIĆI**  
**Komisija za ocjenu zahtjeva za dodjelu poticaja za razvoj**  
**poduzetništva u općini Zavidovići – Mjera broj: \_\_\_**  
**Ul. S.B. Bašagića br.1**  
**72220 Zavidovići**

**Poziv za subvencioniranje dijela troškova zakupa poslovnog prostora na području općine Zavidovići za mjesec mart 2020. godine ostaje otvoren do 31.05.2020. godine do 15:30 sati.**

## **Poziv za refundaciju sredstava ostaje otvoren do 31.12.2020. godine do 15:30 sati.**

Općinski načelnik, po ukazanoj potrebi i iz objektivnih razloga, a prije svega u slučaju da se na određenim stavkama ne utroše planirana sredstva, može izvršiti preraspodjelu sredstava prema utvrđenim pozicijama raspodjele sredstava, odnosno preusmjeriti neutrošena sredstva za dodatnu realizaciju ostalih mjera definisanih ovim Programom.

U slučaju da za određenu mjeru pristigne veći broj prijava, tako da se ni putem preraspodjele sredstava ne može osigurati iznos koji je određen za poticaj, poticajna sredstva će se dijeliti srazmjerno u odnosu na pristigle prijave.

Privredni subjekti (korisnici) definisani u Javnom pozivu mogu izvršiti prijavu poticaja po svim definisanim mjerama.

U slučaju ponovljenog javnog poziva zbog neutroška sredstava predviđenih Transferom za poticaj zapošljavanja i razvoja privrede, privredni subjekti kojima je odobren poticaj za 2020. godinu nemaju pravo ponovo aplicirati za dodjelu istog poticaja.

Zbog nepredvidivosti situacije i dužine trajanja pandemije corona virusa - COVID 19, a u skladu sa raspoloživim sredstvima, Općina Zavidovići će po potrebi dopunjavati utvrđene mjere ili uvoditi nove, na koje će ponovo moći aplicirati privredni subjekti definisani u tački 5. Programa.

Troškovi zakupa koji su predmet zahtjeva za poticaj moraju biti plaćeni do momenta apliciranja na poticaj.

Kao dokaz o plaćenim troškovima zakupa neće se priznavati računi ili ugovori nastali između povezanih društava, definisanih Zakonom o privrednim društvima Federacije Bosne i Hercegovine.

Komisija za ocjenu zahtjeva za dodjelu poticaja za razvoj poduzetništva u općini Zavidovići (dalje u tekstu: Komisija) može zatražiti i dodatnu dokumentaciju, koju su korisnici poticaja dužni dostaviti u naznačenom roku, jer će se u protivnom takav zahtjev smatrati nepotpunim.

Nepotpune prijave neće se razmatrati.

Sredstva poticaja uplaćuju se na žiro račun korisnika po dostavljanju zahtjevanih dokaza navedenih u obrascima za prijavu poticaja, a sve u roku od 30 dana od donošenja akta o dodjeli poticaja za razvoj poduzetništva u općini Zavidovići od strane Općinskog načelnika Zavidovići, osim ako pojedinom mjerom nije određen drugi rok plaćanja.

Komisija koju imenuje Općinski načelnik razmatra Zahtjeve za dodjelu poticaja, te cijeni ispunjenost uslova i kriterija za odobravanje sredstava. Izvještaj, sa prijedlogom dodjele poticaja, Komisija dostavlja Općinskom načelniku Zavidovići, koji donosi Odluku o dodjeli poticaja za razvoj poduzetništva u općini Zavidovići. Odluka će biti objavljena na web stranici i oglasnoj ploči Općine Zavidovići.

Svaki poduzetnik kojem se isplati poticaj u skladu sa ovim Javnim pozivom postaje primatelj državne pomoći male vrijednosti u skladu sa članom 2. Zakona o sistemu državne pomoći („Službeni glasnik Bosne i Hercegovine“, broj: 10/12), te je u obavezi prilikom predaje

zahtjeva predati ispunjen, potpisan i ovjeren obrazac pod nazivom Izjava o primljenoj državnoj pomoći male vrijednosti.

U skladu sa Zakonom o slobodi pristupa informacijama (Sl. novine FBiH, broj: 32/01 i 48/11), Općina Zavidovići kao tijelo javne vlasti, obavezno je, radi upoznavanja javnosti, omogućiti pristup informacijama o svom radu pravovremenom objavom na internetskim stranicama ili u javnom glasilu. U cilju zakonom utvrđene svrhe i u interesu javnosti, Općina Zavidovići objavljuje sve donesene akte na službenoj internetskoj stranici i u službenom glasniku Općine Zavidovići. Shodno navedenom, smatraće se da je poduzetnik, podnošenjem Zahtjeva za poticaj koji sadrži njegove lične podatke, na ovaj Javni poziv, uz tražene priloge, dao dozvolu za njihovo prikupljanje, obradu i korištenje istih javnom objavom na internetskim stranicama i u službenom glasniku Općine Zavidovići, a u svrhu radi koje su prikupljeni.

OPĆINSKI NAČELNIK

mr sci Hašim Mujanović s.r.

M.P.